



Soldadu turkiarrak tankeetan Irakeko iparraldeko operazioetan parte hartzen.

EPA

EBk presio egin dio Turkiari kurduen aurkako ofentsibari amaiera emateko

Aduana batasunari buruzko akordioa arriskuan jarri duela ohartarazi dio Ankarari

Europako Batasunak presio egin zion atzo Turkiako Gobernuari, joan zen astelehenean Irakeko iparraldean gerrilari kurduen aurka hasi zuen eraso militarri amaiera eman diezaion. Klaus Kinkel Alemaniako Atzerri ministroak atzo Ankaran adierazi zuenez, EBk Turkiarekin hitzartutako aduana batasuna martxan jartzea arriskuan dago operazio militar hauek direla eta.

ANKARA

Alemania, Frantzia eta Espainiako Atzerri ministroek osutako EBko *troika* Turkian izan zen atzo, bertako agintari eta alderdi politikoei Armadak Irakeko iparraldean ekin dion kanpaina militarrek eragindako krisiaz hitz egiteko. Blindatuz, hegazkinez eta helikopteroz lagunduta, Turkiak 35.000 soldadu barneratu zituen astelehenean Iraken Kurdistango Langileen Alderdiko (PKK) gerrilarien aurka. Operazio horietan guztien berrehun gerrilari eta hamalau soldadu hil dira, baina datuok astelehenekoak dira eta, beraz, biktima kopurua askozaz handiagoa izango dela uste dute.

Turkiako Gobernuak agindutako operazioak gero eta kritika gehiago eragin ditu nazioartean, batez ere gune zibilak ere bonbardatu dituztela jakin denean. Europako estatuek kezkatuta daudela adierazi duten arren, ez dituzte ekintza hauek gaitzetsi, nahiz eta herritarrek gaitzetsi duten.

Javier Solana Espainiako Atzerri arduradunak PKKren «terrorismoari aurre egin beharra» dagoela onartu zuen arren, Turkiak hasi berri duen ofentsiba ahal bezain laster amaitu beharra dagoela iritzi zion. Alain Juppe frantziarrak, berriz, Kinkerek

esandakoari jarraituz adierazi zuen une honetan nekez jarriko litzatekeela aduana batasuna martxan. Hasiera batean datoren urtearen hasieran jarri beharko litzateke indarrean akordio hori, baina aurretik Europako Legebiltzarrak onartu behar du Ministroen Kontseiluak hitzartutakoa. Jupperen iritziz, «une honetan bozkatuko balitz, aduana batasunaren aurkako botoek irabaziko lukete Strasburgen».

Diplomatiko frantziarrak PKKren borroka armatuari aurre egin behar zaiola onartu arren, gatazkari konponbidea emateko neurri militarrez gain neurri po-

litikoak ere hartu behar direla azpimarratu zuen. Horren haritik, Turkiako Gobernuak giza eskubideen babesa garantizatu eta kurduen zenbait aldarrikapen onartu beharko dituela ohartarazi zuen.

Giza eskubideei dagokienez, EBko *troika*-k konpromezua ateratzen zion Tansu Ciller lehen ministroari iritzizko delituak egi-teagatik kartzelan dauden presoek amnistia emateko, eta terrorismoaren aurkako legea mugatzeko. Ministro europarrak Ankaran zeuden bitartean, ordea, Irakeko iparraldeko operazioek aurrera jarraitu zuten atzo.

Zibilik ez hiltzeko eskatu du Moskuk

MOSKU

■ Ezin esan daiteke Errusiako agintariek esaten dutena eta egiten duten bat datozenik. Eurak Txetxeniako gerran zein jomugari erasotzen dioten erreparatu gabe ari diren bitartean, kurduen kontrako operazioan zibil errugabe gehiago ez hiltzeko zioten atzo Turkiako Gobernuari.

Gregori Karasin Errusiako Atzerri Ministerioko bozeramai-

learen arabera, Moskuk «arduraz jaso ditu handik datozen berriak, operazio militarrek biktima zibilak eragin baititu». Halakorik gerta dadin odol isurketak geratzeko neurriak har ditzan eskatu zion jarraian Ankarako Gobernuari. «Biziki garrantzitsua da inguru hartan tentsioa larriagotuko duten ekintzak ez egitea», argudiatu zuen diplomatikoak Irak iparraldean gatazka zabaltzea zein arrisku-

tsua izan litekeen ohartarazi nahian.

Errusiako diplomaziako ordezkariak prentsaurrekoan azaldu zuenez, kurduen kontrako operazioa «denboran eta neurrian mugatua» izango den esperantza dauka Moskuko Gobernuak. Horrezaz gainera, Kremlinen Iraken subiranotasuna eta lurralde batasuna «baldintzarik gabe» babesten dutela azpimarratu zuen Karasinek.

Japoniako Polizia Egia Gorena sektako buruaren bila ari da

TOKIO

Japoniako Polizia Shoko Asahara, Aum Shinrikyo (Egia Gorena) sektako buruzagiaren bila ari da, joan den astelehenean Tokioko metroan izandako atentuari buruz galdeketa egiteko. Herenegun segurtasun indar bereziek sekulako operazioa zabaldu zuten sektak dituen 25 egoitzatan, eta 'sarin' gasa osatzeko gai toxikoak atzeman zituen.

Atzo iturri ofizialek zabaldu zuten, gai horiek asteleheneko toxikatzeko masiboarekin lotuta dauden konfirmatu nahian ari da Polizia. Adituen arabera, asteazkenean atzemandako gai kantitateak ikusita arma kimiko arriskuak sortzeko gai ziren sektako kideak, 'sarin' gasa haien artean.

Atzo Kamikuishikin sektak duen egoitzan fosforo trikloruro, sodio fluoruroa, zianuro potasikoa eta beste produktuz osatutako pote pila bat aurkitu zuten. Bertaratutako segurtasun indar bereziak 1.100 kideek, baina, eten egin behar izan zuten operazioa, han topatutako gaiekin toxikatzeko arrisku handia baitzeukaten.

Tokion argitaratzen den prentsak atzo jakinarazi zuenez, Aum Shinrikyo erakundeak ikerketa kimikoen departamentu bat du, eta bertako laboratorietan Tokio eta Osakako unibertsitateetako aditu kimikoek lan egiten dute gainera. Hori guztia argitu nahian, sektako buruzagiak galdekatzen aritu zen Polizia egun osoan.

«SUIZIDIOA ITXURATU DUTE» Asteazkenean sektaren kontrako operazio poliziala

hasi baino lehentxeago, Asahara buruzagiak bere erakundea Tokioko atentatuarekin lotu duten berri guztiak gezurtatu zituen Japoniako eta atzerriko komunikabideetara bidaltzeko. Hark salatu zuenez, Japoniako Gobernuak sektako kideak desagertarazteko ahaleginetan ari da, eta suizidio kolektibo baten itxura eman nahi du bere erantzukizuna ezkutatzeke. «Orain dela gutxi egindako txosten batek suizidio masibo bat egingo genuela zioen», azaldu zuen buruzagiak.